



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Diatribai De Primis Veteris Frisiae Apostolis, Sive  
Dissertationes, quibus eoru[m] anni, actus, res,  
personae, loca, tempora in eorundem actis occurrentia,  
discutiuntur, illustrantur, erroresque ab ...**

**Bosschaerts, Willibrord**

**Mechliniae, 1650**

Imp. Caesar. Fl. Heraclius Iustinianus Iunior p. s. PP. Augustus.

**urn:nbn:de:hbz:466:1-10958**

*Imp. Caesar Fl. Heraclius Iustinianus Iunior p. f. PP.  
Augustus.*



*Augustus à Patre appellatus Constantinopoli  
mortuo fratre suo Tyberio Casare anno  
Domini DCXXCIII. coronatus à Theo-  
doro XI. Patriarcha P. C. Constantini V.  
Augusti anno XVII.*

*Imperavit annos XII. & menses V. cum  
Patre annos II. Post Patrē mortuum, annos  
X. menses V.*

*Solus imperare cepit die obitus Patris Constantinopoli circa Kalen-  
das Februarij anno Domini DCXXCVI. post Consulatum suum anno  
I. Coactus à Leontio, qui contra eum Imperium arripuerat, abdicauit  
circa mensem Iulium anno Domini DCXXCVI Constantinopoli,  
& relegatus est mansitq; exul Chersonæ, in Ponto annos X. Restitu-  
tus mense Augusto anno Domini DCCVI. P. C. Apsimari Augusti  
anno VI, Iterumq; imperavit cum solo Tyberio Constantino Cesa-  
re annos plus minus VI. Occisus fuit cum filio Constantinopoli Idi-  
bus Augusti anno Domini DCCXII. post secundum Consulatum  
suum anno V. insidiis Philippici qui post imperavit. Vixit annos  
XLII.*

(Pyssimo) Epitheton illud Iustiniano illi plane discon-  
uenit : quamquam enim post recuperatum Imperium pi-  
etatis aliquod specimen exhibuerit Pontificis pedes oscu-  
lando humi prostratus, Priuilegia Ecclesiæ confirmando,  
ante tamen destitutionem & post restitutionem ea impie-  
tatis & crudelitatis genera exercuit, Deo per plagas  
multas ipse iniquitatem contestante, vt potius impijsi-  
mus, quam pijsimus debeat intitulari. Hæsito subinde  
an non sit additum ab imperito Scriptore nesciente ( est  
N enim



enim textus ille Marcellini ab aliena manu omninò confusus ) distinguere inter Iustinianum cognomento Magnum Imperantem anno Christi 527, cuius magna laus est in historijs & hunc Iustinianum Imperantem tempore aduentus SS. Willibrordi & Swiberti. Interim titulum Pijssimi videtur ei facile tributurus Hermannus Schedel, & transeat tanquam titulus honoris, vt consueto Imperatoribus more vocetur Pijssimus: illa enim speciosa attributa magnatibus, non significant qualitatem in ipsis actū residentem, sed qualitatem debitam vel conuenientem tali statui.

(Regnante in Anglia Alfrido) Erat tūm Anglia, potius Britannia postmodum dicta Anglia, dissecta in septem regna, inter quæ erat Northumbrorum; cui in aduentu S. Willibrordi præsidebat Alfridus Rex Nonus, & quidem quintum annum, quantum colligere est ex Beda. Alfridum describit ita Malmesburiensis l. 1. *Egfredi nec cum insignior fama ubiq; loqueretur, etiã ad fratres Alfridi aures Anxia præcipiti peruenit epistola pennã. Is quia nothus erat, factione Optimatū, quamquã senior, regno indignus aestimatus in Hyberniã seu vi seu indignatione secesserat. Ibi & ab odio germani tutus & magno otio litteris imbutus, omni philosophia composuerat animū; quocirca Imperii habenis habiliorẽ aestimantes qui quondam expulerant, ultrò expetiuerunt. Necessitas medelam ad preces refudit: nec eos ille sua spe frustratus est: nam per decem & nouem annos summa pace & gaudio Prouincia præfuit, nihil unquam, præterquam in persecutione magni Wilfridi, quod liuor edax carpere posset, admittens. Habuit successorem filium Osredum octo annorum puerum, qui per undecim annos regnavit.*

(Episcopante in Ecclesia Coloniensi Aldewino decimo Episcopo.) Hic Aldewinus siue Aldeluinus aut Adelunius decimus numeratur Episcopus à Francisco Irenico lib. 3. exeg. Germaniæ cap. 36. qui ait: quo sæculo ille Præfulatus Colo-

Colo.



Coloniensis exorsus fuerit, nulli, nec in eorum Annalibus liquere. Multos Maternum illic primum præsulē fuisse dicere, vt eorum Catalogus. Id tamen veritati proximum esse secundum Archiepiscopum existisse Seuerum anno Domini 343. Constantini temporibus. Interim enim ob fidei Christianæ persecutores nullum præsuisse huic Episcopatu. Alij sub Tungrorum ac Treuirorum Thyarâ subiectos Colonienses fuisse tunc temporis arbitrantur, à quibus tertius Euergillus refertur, Solinus quartus, inde Simonius, Remedius, Cunibertus, Boraldus, Gyso, Adelwinus. Variant itidem non parum catalogi Archiepiscoporum Coloniensium. Demochares inter primos reponit Irenico non nominatos. Rursum Baronius ex iudicio Reuerendissimi Domini Lindani Episcopi Ruremundensis opinatur secundum Episcopum Coloniensium fuisse alterum Maternum primo cognominem temporibus Constantini Magni, quem tamen Demochares & Irenicus ignorant. Gazæus in historia Ecclesiastica Gallica secutus Baronium duos Maternos enumerat, & Aldewinum XII. In his Authorū dissidijs consultus à me V.P. Georgius Garnesfelt Carthusianus Coloniensis Presbyter, qui in Annalibus Coloniensibus cōtexendis multo tempore & multum accurate laborauit, Respondit, Aldewinum non esse præcisè decimū Episcopum Coloniensem. Quapropter illa verba, Decimo Episcopo Coloniensis Ecclesiæ, se putare ab aliquo Glossatore in margine annotata, deinde à Librario cum textu coniuncta. Huius viri fidei ego acquiesco.

Ad nauigante Apostolico viro Franciæ sceptrum tenebat Theodoricus Rex. De cuius annis inchoati & finiti regiminis admodum variant Historici. Sunt qui anno 690. vitā celsisse, plures vsque in annum 694. eandem prorogasse affirmāt. Per huius Theodorici (inquit Gaguinus in historia



Francorum ) incuriam atque socordiam res Francorum deterior facta est, quippe cum Republica cubicularijs Regiis & Præfecto Palatii liberè crederetur : Regi verò per inertiam mos inoleuit Palatio nisi ad Kalendas Maj non egredi, moderationem omnem aliis permittere, ostendere se populo vno dumtaxat die, à quo salutatus & munere donatus, cum & ipse reciproca populo dona exhibuisset, domum abire, ibique toto anno incolere. Primo anno Regno eiectus, postmodum restitutus multarum turbarum in Francia origo fuit instigatore Ebroino tyranno. Consule eundem Gaguinum & Trithemium in compendio Regum Francorum.

In eorundem aduentu pacificè in Maioratu Fræciæ & Austrasiæ agebat Pipinus quartus Dux Brabantiaë inscriptus. Maioratum Francicum extorsit à Theodorico Rege deuicto cum antea tantum esset Maior Austrasiarum.

Tungrensi Cathedræ insidebat S. Lambertus Episcopus 29. per Pipinum ab exilio reuocatus : eratque annus eius 33.

In Cathedra Eboracensi Regni Northumbrorum in Britannia agebat S. Wilfridus restitutus, vtramque parochiam Eboracensem & Hagulstadsensem regens, expulsis qui eas occupauerant Bosa & Ioanne: Verum eodem anno siue ante accessum S. Willibrordi, siue post iterum pellitur Bosa Hagulstadsensem, Ioanne Eboracensem repetentibus. De his tribus postremis Principibus fusius in sequentibus legito.